

KANTON SARAJEVO**SKUPŠTINA KANTONA SARAJEVO****NAROD I PRAVDA****Danijela Kristić, zastupnica**

MINISTARSTVO SAOBRAĆAJA KANTONA SARAJEVO

MINISTARSTVO UNUTRAŠNJIH POSLOVA

PREDMET: INICIJATIVA

Ovim putem podnosim inicijativu da se urade pješački prelazi u Prijedorskoj ulici, kao i instalacije usporavača brzine (ležeći policajci ili vibra traka) u ulici Prijedorska, jer postojeće ograničenje brzine samo po sebi nije dovoljno zbog nesavjesnih vozača koji ne poštuju saobraćajne znakove, pa je ova mjera neophodna u cilju sprječavanja neželjenih posljedica po stanovnike ovog naselja.

Obrazloženje:

Stanovnici naselja Aneks, općina Novi Grad Sarajevo, u ulici Prijedorska suočeni su duži niz godina sa problemom brze i nesavjesne vožnje pojedinih vozača koji prolaze kroz predmetno područje na putnoj relaciji Otoka -Tranzit. U ovoj ulici se svakodnevno kreće veliki broj djece koja žive i igraju se u predmetnom naselju, kao i djece koja iz obližnjih ulica dolaze da se igraju u dječijem parku koji je oformljen za najmlađu populaciju navedenog naselja. Nažalost, u naselju nema označenog pješačkog prelaza kako bi stanovnici mogli preći sa jedne strane ulice na drugu, a posebno je opasno preći ulicu jer ista nije pregledna - vozila koja dolaze sa Otoke dolaze iza krivine, i nije moguće vidjeti da li dolazi auto u susret dok se isto ne pojavi iza predmetne krivine (Slika 1.). Dodatni problem kretanju pješaka kroz predmetno naselje jeste nepostojanje trotoara za stanovnike koji žive u ulici Prijedorska broju 15., 17. i 19., te one osobe koje žive na ovim adresama (među kojima veliki broj djece i starijih osoba) prilikom izlaska iz svojih domova direktno izlaze na ulicu kojom se kreću automobilii koja je u određenim dijelovima dana jako frekventna (Slika 1., 2. i 3.).Pješaci imaju problem i prilikom prelaska ulice u smjeru kretanja od prodavnice Amko, koja se nalazi u naselju, pa prema trolejbuskoj stanici na Aneksu u smjeru Dobrinje, jer se "gubi" trotoar koji ide od semafora koji se nalazi na križanju ulica Prijedorska, Safeta Hadžića i Vrbovska (pogledati slike 4. i 5)

Sarajevo 28.11.2019.godine

Zastupnica u Skupštini KS

Danijela Kristić